



In mercuri ai 11 de setëmbër é gnü sughé le ritorno dl 1° turno dla Copa Provinzia 2013/2014 de 3° categoria por La Val. La partida é indô gnüda sugada cuntra la squadra da Aicha, fora de cíasa. Dô le pareggio dl 2 a 2 dl'andata, é La Val che mëss fa n bun resultat por passè inant.

Sön le pice cíamp dl' Aicha an pudü udëi cina ala fin na partida dër combatüda. I tëmps regulamentai se röia sön le 2 a 2 y purchël ésun passà a trà i ònescmetri. Merch gran protagonist dla serata, é bun de nun parè 2 y contribuësc insciö ala devënta.

Bel da mëter man pon udëi la squadra da La Val concentrada y determinada a purtè a cíasa la devënta. Deache le cíamp è bindebo strënt é la squadra che süga cun n modulo plö offensiv, cun 3 atacancé.

Cun de beles combinaziuns é La Val che röia plö iadi dan porta avversara, mo le ultim passaje o i tiri ne röia nia a concluijun. Do n chert d'ora é la Aicha che mët man de detè i ritmi, cun n bel tiro é n sogadù avversar che atoca la stangia de porta. La Val se stënta n pü a tignì sö le pal y da stè sö cun düta la squadra. N'atra gran ocasiun dl'Aicha é stè le tiro da bun 30 metri che röia

bel avisa sön le palo alt dla porta. Dan che le prüm tēmp se rōia, él ciamò David che salva in extremis le gol dl 1 – 0 por la squadra avversara. Sön n bel lancio éle n sogadù avversar che è bun da mëter le pal de cé cuntra porta, por fortuna è David bun da trà demez le pal.

Le prüm tēmp se stlūsc jö sön le 0 a 0.

Tl secundo tēmp é la squadra da La Val che se descēda indo y va te ciamp cun plö determinaziun. I sogadusc da La Val süga le pal bas y é bugn de se alzè deplü, insciö éle ince i centrocampisc che po' se alzè a sostēgn di atacanć.

Le arbiter fej ince sūa pert, sciuran n grüm de fuori giochi che ne foss nia stà. Avisà canche al parò che le gol gniss a mumēnc, éle le Aicha che é bun de segnè. N sogadù dl'Aicha se davagna le pal fora dl'area sön rimpallo, chēsc passa ite amez y l'atacant, sù dan le portier, é bun de segnè le 1 a 0.

Sēgn vēgnera plü ria por La Val da recuperè le resultat y passè insciö le turno. Mo impo éle la squadra che crēi inant y bel avisa pūch dedo éle n defensur avversar che fej n fallo te area sön Micky ,chēsc se mēt le pal sön le punto dl rigore é segnēia insciö le 1 a 1. La nervositè é grana y te ciamp vēgnel ma plö scraié y partì fora gheles da pert dl' arbiter jonn. Chēsc ultim sciūra ince fora le alenadù Florianì por na protesta.

La squadra da La Val fej inant n gran druch, sön n angolo éle ince Stefan che à na gran ocaggiun de cé, mo le pal ti rōia bel avisa ados al portier avversar.

Al 80ejim ti garetl spo le gol dl 2 a1 por La Val. Sön la riga de fondo éle Freddy y Stefan che fej na bela combinaziun, le pal vēgn metü ite bas y Paolo Vallazza rōia tl dērt mumēt lassura y siglēia insciö le 2 a 1. Sēgn é La Val che passa an modulo plö defensiv. Le arbiter mostra sò i 4 menüc de recupero y avisa a trēi menüc da la fin éle la squadra avversara che atachēia dassēnn y pareggēia insciö cun n gran tiro tl set. Te n gran cajn al limit de area ne vēgn le pal nia spazzè lunc y insciö éle n sogadù che l'abina y pò trà te porta.

Pūch dedo él ciamò l'arbiter che ti mostra la cōcena al defensur avversar Elmar Valentin pur na

sbür la sön l'avarsar. La Val les pro ciamò dütes mo le arbiter sciüra la fin, les scuadres messarà se fa fora la devènta ai rigori.

Le portier Merch, gran protagonist, é bun de parè bëgn 2 rigori. I rigori por La Val vëgn trasformà da Stefan, Freddy, Alex y Micky. Insciö é La Val che porta a cíasa la devènta de 6 a 3 y pò passè al proscim turno che gnara bunamènter sughé ciamò dan la palsa da d invern.

La proscima partida de campionat é in sabeda a Niederdorf dales 16:00.

Formaziun titolara: Merch Vallazza, Paolo Vallazza, Alex Alton, Werner Sottara, Marco Castlunger, Stefan Sottara, Freddy Sottara, David Moling, Micky Frenes, Romeo Rubatscher y Alexander Miribung.

Sostituziuns:

Romeo Rubatscher por Manuel Stampfer

Werner Sottara por Elmar Valentin

David Moling por Egon Frenes

Alenadù: Floriani Claudio

Por udëi i resultač de copa dles atres scuadres drüca: [risultati.pdf](#)